

浓浓上海闲话 唯有新民晚报

老里八早

我个母校圣心小学

文 / 凌淑平

1950 年我考进了长乐路浪向个私立圣心小学。甭个是一只英国人勒垃上海办个教会学堂。甭个辰光我只有五岁，幼稚园只读了一年小班，会写描红簿了，姆妈就带我去考弄堂对过个圣心小学，考官先生问了我爸爸妈妈个名字，还叫我数数字，我从 1 数到 8，老师就讲好了，考取了。

圣心小学到 1953 年就拨国家接管了，一个学期学费六块洋钿，但是变成公立学堂就只收工人子弟了，改名叫向光小学。再后来又改成长乐路第一小学。阿拉个校长是张霭墨先生（现在网浪向可以查到伊个身份），戴了一副金丝边眼镜，穿了一身黑制服，倒是绕过小脚个，当时伊拉拉上海还是个蛮出名个校长。1954 年妹妹只好考了只辣辣巨鹿路浪个私立同义小学，学费蛮贵【ju】个，好像记得一个学期要三十几块。

圣心小学就辣辣长乐路浪向，有两层楼，每个年级招甲、乙两个班级。平常勒操场里会看到几个着了拖地黑长裙、手里向拿仔一把扫帚，勿晓得勒拉扫啥物事个嬷嬷。甭个辰光先生教书侪是讲个上海闲话。靠向明中学个地方有两只操场，分男操场、女操场。小朋友下课白相是要男、女生分开的。学堂里个先生侪是文绉绉个女先生，改成公立以后再调来了几个男先生。

甭个辰光“要和平勿要战争”个口号叫得交关响，有一趟学堂里让同学们排好长队去游行，先生带阿拉从校门口出发，沿牢仔马路、围牢仔学堂到淮海路兜一圈，甭日子阿拉侪穿得老漂亮，带队个花车浪向个女生，伊比阿拉高一年级，是校方从全校学生子当中拣出来个：伊墨墨黑个头发浪戴了一只白色康乃馨花头箍，浓浓个眉毛、大大个眼睛、嫩嫩个面孔浪有一对迷人个酒靥【yik】，小小嘴唇皮血血红，真好看！校工推牢伊坐个车子走，阿拉就勒后面跟牢仔伊坐个车子走。阿拉听没着统一个衣裳，但每个人发一根裹了金银纸个棒头，侪要拿伊举过头顶心，棒头浪向还贴勒海星星、月亮搭之和平鸽。一直到现在我还常常回味起甭个辰光个场景。过节，学堂里叫每个班级侪要开文艺晚会出娱乐节目，我长得小，勿晓得倒也拨拉先生拣中了，真个十分愜心，跳舞个人一律要穿白皮鞋。姆妈想想小人也是为了得班级争光就陪我到淮海路儿童商店去买了双最最漂亮个白皮鞋。阿拉姆妈、阿姨侪到学堂里来看我跳舞，侪讲我跳得蛮好个。到现在我还是蛮欢喜跳舞蹈。一跳舞就会想起甭日天穿个白皮鞋。

抗美援朝辰光，学堂里就叫阿拉大家捐钞票，阿拉侪回去问姆妈讨钞票来捐，后来我看到红榜浪向有我个名字，心里个味道真好。不过先生讲个，多多少少侪好个！只要有颗爱国个心，阿拉一直到老侪有一颗圣洁个心。

沪语小词典

脱头落潆
tekdhoullope

解释: (1) 说话做事丢三落四；
上海话: 做生活要认真眼，勿要老是脱头落潆个！
普通话: 要认真点干活，别老是丢三落四的！
解释: (2) 衣服、器物已损坏，不完整；
上海话: 甭只包脱头落潆个，难看煞了。
普通话: 这个包，东坏西破的，难看死了。

沪语童谣

吃橘子，剥橘壳

吃橘子，
剥橘壳，
橘壳丢辣北壁角。
到底是橘壳碰壁角，
还是壁角碰橘壳。
公鸡吃蜜蜂。

五斗橱浪个雪花膏

文 / 食家饭

弄堂茄山河

埃个辰光，老少有一张梳妆台堂堂皇皇个陈列勒拉卧室里。生发油、花露水、雪花膏一应小零碎仔放勒拉五斗橱浪，讲究点个，旁边会摆一套车料玻璃冷水杯或者一只花瓶，实惠点个，就是一只每到整点当当响个三五牌台钟。

面对五斗橱个镜子，雪花膏是每天要搽个。浅黄个铁皮小圆盒是“友谊”牌个，日脚过得仔细个女人，勿舍得拿盒子里一层银色个锡纸全部拉脱，就葛末介 搽【xiao】开一只角，够一只手指头挑一点出来慢慢用。友谊雪花膏老厚个，节拍【jikkak】盖甭能一点就可以均匀个滋润手搭面孔，全家男女老少都用的，一个秋冬也不过用一两盒。

最寒冷干燥个冬天，交关人欢喜用蛤蚧油，上海人也叫蚌壳油。因为含有凡士林、矿物油，又有活血个冰片，也老滋润个，再干冷个天也勿怕冻裂。盛蛤蚧油个就是大蛤蚧个壳，接口地方是天生个榫卯结构，合拢起来严丝合缝。贝壳有自然个花纹搭光泽，是完美无暇个包装。一趟

勒拉哈尔滨旅行，看见有下岗个人拿库存蛤蚧油摆勒地摊浪卖，我拣了几只纹路特别漂亮个，带回来送朋友，大家侪爱勿释手。

蛤蚧油听没啥香味道。好闻个是蝴蝶柠檬霜搭百雀羚，上海人呢称“香香油”。蝴蝶霜是清爽个柠檬味，百雀羚要浓郁一眼，不过搽勒面孔浪，香味就融开来，变得淡淡个，要凑得老近再闻得到。甭种香味自然勿会像现在流行个苔藓味、烟草味、热带水果味，是文雅端庄个上海女人个气息，是漫长日子宁静安稳个气息。百雀羚个盒子最漂亮，宝蓝和明黄的底色，几只鸟雀，些微神似奥杜邦个手笔，鲜艳活泼。我最喜欢百雀羚个这种蓝色。大盒子个百雀羚用光，留了盒子装自家心爱个小物事，雪花膏用完了，香味还勒拉，开开合合好多次，终于散了去。妮维雅面霜初进中国辰光，曾分批批制作蓝色个面霜盒子，一趟趟试下来颜色侪勿如人意。最后还是用了德国进口个原装货。

我从杂物当中寻出来囤了多年个百雀羚盒子横看竖看，宝蓝色虽然旧了，还是澈滢着美丽个色泽，丰满静雅。妮维雅，是勿是要寻甭种个蓝色呢？

第六十期题目答案

搭动物有关个上海闲话
(二)

赤膊捅马蜂窝——不惜血本。比喻一个人光着脊梁肩胛去捅马蜂窝，不顾自己会被马蜂刺着。通常指做生意大甩卖、低价出售商品。
救仔田鸡蛇饿煞——蛇以田鸡为食物，救了田鸡，蛇就听没吃个了，当然就饿死了。
贼头狗脑——形容鬼鬼祟祟个样子。
狐狸精——比喻不正经、风骚个女人。
猪猡脾气——比喻个性蠢头蠢脑、常常突然发格、勿入调个人。
高射炮打蚊子——拍打蚊子，用手就可以；用高射炮打，明显是大材小用了。
虾有虾路，蟹有蟹路——比喻各人有各人个门路。
狗眼乌珠看人低——形容眼光势利，看勿起人。
牛脾气——像牛一样个犟脾气，形容人脾气倔。
乌龟脚爪——比喻手忒趔趄。
活狮屁股坐勿牢——用来形容坐勿住个人。
小鸡肚肠——形容某人气量忒小。
老虫尾巴——形容姑娘辫子老短。
蚊子叫——讲闲话个人声音忒小。
白乌鬼——大白鹅，形容头颈伸得长，像鹅个头颈一样。
放羊——没人管，放松管理。
三只节头管捏田螺——形容很容易掌握个事体或某人。
野鸡——老早用来指一

种妓女。
黑猫——警察
羊脚骨——某个人腿瘦了勿得了。
独脚蟹——听没道伴勿善结伙单独行个小因。
曲蟮唱山歌——贼声贼气。指直声直气。
蚊子叮石臼——爹娘训小因勿见改正。
牛头勿对马嘴——形容一桩事体做歪脱，或解说时离题忒远。
牛牵马绊——形容千方百计勉强维持。
黄鱼车——简单个人力三轮车。
米蛀虫——旧社会饥荒时专门囤积大米高价出售个奸商。
象牙筷浪扳敲丝——无理找茬。
滚地龙——旧社会棚户区穷人搭个一连串简陋住处。
皮老虎——无气个皮囊，捏扁时出气吹去积灰。
落汤鸡——形容人拨雨水淋得那气湿。
牛皮筋——橡皮筋。
阿猫阿狗——普通无权无势个百姓。
龙头须——指虚假夸大事实讲话的人
黄鱼脑子——记性糟糕个脑子。
狮子大开口——开口要求高、口气大。
猪头肉三勿精——齐懂一点，侪勿精。
小猫三只两只——人稀稀落落，听没几个。
此外，还有“蛇虫百脚、大闸蟹一串、鸡皮疙瘩、虾兵蟹将、狼外婆等。

第六十期获奖名单

来信 俞泾港路於传斌 莘朱路滕家征 辉河路陶海根 临山路王雪莺 仁德路侯兰芳 陆家浜路朱东来 原平路张爱宝 张杨路胡慧贤 学院路冯鸣 丰庄一村彭小华

E-mail 曹杨三村陈一诚 军工路季剑平 吴之多 江浦路郭善根 古美西路邵顺祥 苏玛 沈立予 杜鹤路奚龙发 蒲汇塘路朱亚夫 彭广钊

注:以上读者将获得精美笔记本一套

沪语趣谈

春联 文 / 贡树铭

春节快要到了，勿少人家又要贴上红彤彤个、内容新颖个、含有深意个春联了。回忆老里八早我见到个春联，比较多个是陈旧套语。

譬如表达行业有：“太白含笑至，杜康携樽来”(小酒店)；“谷乃国之宝，民以食为天”(粮店)；“虽无熊掌味，亦有菜羹香”(小饭店)；“虽属毫末枝艺，却是顶上功夫”(理发店)。“毫末”、“顶上”是运用“双关”修辞法。

又譬如：“江湖河海清波浪，通达逍遥远近”；是载人载货个船浪向贴个春联。上

联用“？”做偏旁，下联用“辶”做偏旁，包含水面航行畅通顺利个意思。牙医师贴个春联：“易牙之味，凿齿著书。”“易牙”、“凿齿”，是牙医师医牙、换牙个工作，可是却搭仔古代两个人名恰巧相同。易牙是春秋年代齐桓公个近臣，伊烧菜个技术交关高超；凿齿(姓习)是晋代襄阳人，是《汉晋春秋》个作者，是著书立说个学者。

一些春联有可取之处，甚至饶有奇趣个。